

天都載三卷目錄

宋林節士

屈氏未見錄中佳語

古人不忌白

物有別名

水土生物之異

無腸公子

古以鳥以蟲以別獸以天文以地理以草木名馬

前輩引拔人才

軍中失所佩印

陸公耿介

千歲之物變化

家雞雉雞之別

呼盧祝石靴迹入石

起烟

炭與石驗陰晴

辨綱目非缺漏

方竹

黃花屬土開於季月

唐書當從舊者

物類之靈

退之火靈庫其子亦為狀元

治蜈蚣入腹二法

相雨雪

鳥重別名

雁糞入藥

鳩偈

水有神宰之

客稱林逋十世孫

陸羽所著書

羊馬駝牛象之異

辨方正學之誣

樹上生人

解治蜘蛛毒旋覆根能續筋

異石異犀

天中記遺顧旃事

火浣布有數種與石絨異

字同而音讀異

鬼神隨人念轉移

生祠自始

修文御覽載李陵詩

敵爲虎形

洛陽橋得名

人貴有及物之仁

溫公不爲四六

物化祭柑化鵝水成孕化人二蝦異化

脉歇至無害

物形異者

李筌辨異氣

廉頗扁鵲二墓之異

青田核螺殼二異物

宋之南京應天府

實心爲政獲神助

雁宕瀑布太白山鐘石落膊石風雨之異

年號字畫有關識兆

改名關識兆

磬石由青河進則不協律

竹中有人卵生人氣生人

衣上出火吉凶不同

潮汐因地不同

書冊所始

烟脂所始

辨員字音

辨乙非注

款乃

一字二字三字四字紀元

天都載卷之三

新都馬大壯仲履撰

秣陵顧起元太初

新都管以植建父

秣陵焦尊生不害

秣陵焦周茂孝

豫章王嘉賓仲觀

豫章王嘉弼青蓮同校

宋亡草茅堅臣節者如鄭思肖謝翱張弘毅龔開與  
唐義士珏林義士德賜宋遺民錄及函史所載諸  
公人皆知之余見袁初所撰宋林節士傳人罕知

者因錄于此處士姓余名夢魁字叔悟世家遂安  
松林少博學慷慨饒大節弱冠舉省魁會伯顏入  
臨安乘輿播越未廷試而罷時故相陳沂中倡義  
衢信間處士得檄躍然散所貲部四方壯士三百  
與開化魏亨中同應沂中兵誓共獎王室已而聞  
文天祥起兵溫州遂互爲聲援欲求趙宗室在吉  
安者立之以樹民望未幾沂中兵敗于信州天祥  
被執北去亨中以憂歿處士仰天慟曰天乎宋室

滅矣吾何以生哉所親或勸之陶潛不歿晉室君  
未祿仕與在位異胡歿爲乃匿姓名遜跡瓊山  
中自號山間人大書宋林二字鐫于石志存宋也  
元旣取天下詔求遺賢浙行省梁僉憲以處士應  
詔遣使束帛來聘處士對使者曰亡國之臣國危  
不能救君亡不能歿縱憐而用之何裨新政願得  
追遺躅于巢許幸矣三年聘復來對使者詞益峻  
竟不可奪而止嗣是惟灌園課讀緘口天下事年

八十終于家臨革零涕謂家人曰吾家世受宋恩志存呼一旅光復舊物奈何稍張輒什竟費志以歿今已矣其題吾墓曰宋林處士且戎狄亂華古無百年運汝曹俟聖人出乃仕子孫遵遺命始終元祚無干斗祿者 明興諸孫道用以貢知寶雞思寬以進士爲御史後先振振未艾說者意處士之報云袁初與思寬俱永樂乙未科進士後思寬齋乾貞者萬曆中亦爲御史

屈諫著未見錄中亦多佳語如泰太也世治太甚而將反也故聖人處泰而益懼又曰唐五行志云取財過度則陰失其節而水溢毋氣虛則子氣洩也又曰貧賤無富貴之欲者吉富貴忘貧賤之憂者凶又曰五行之氣其一旺者其一衰故土木之工興而金必竭况一衰而二旺乎諫又著答客問一書其中商確時務亦多可採是必留心經世者王元美曰嘗見孫兆孺言永順靖二宣慰西陽宣

撫之民至今尚冠白巾云爲諸葛武侯服孝後閱  
避暑錄載所覩明皇幸蜀圖山谷間兵皆冠白巾  
以爲蜀人爲武侯服所居深遠者遂不除武侯道  
行于蠻貊一至此哉永順永靖皆楚地不知初定  
荊州時柳平孟獲後也今上官正堂皆奉武侯像  
不敢中坐官民守其二節惟謹余後觀程大昌演  
繁露略與元美引避暑錄同乃知古人不忌白非  
爲服也程云隨志宋齊之間天子宴私著白高帽

士庶以烏太子在上省則帽以烏紗在永福省則  
白紗隋時以白帽通慶日之服國子生亦服白紗  
巾晉着白接籬實華酒譜曰接籬巾也南齊垣崇  
祖守壽春着白紗帽肩輿上城今人必以爲帷古  
未以白色爲忌也郭林宗遇雨墊巾李賢注云周  
遷輿服雜事曰巾以葛爲之形如帽本居士野人  
所服魏武造帽其中乃廢今國子學生服焉以白  
紗爲之是其制皆不忌白也樂府白紵歌曰質如



輕雲色如銀制以爲袍餘作巾袍以先驅巾拂塵  
吳兢樂府要解舊史白紵吳地所出則誠今之白  
紵列子所謂阿錫而西子之舞所謂白紵紛紛鶴  
翎亂者是也今世人麗粧必不肯以白紗爲衣古  
今之變不同如此唐六典天子服有白紗帽其下  
服如裙襦鞵皆以白眎朝聽訟接見賓客皆以進  
御則猶存古制也然其下注云亦用烏紗則知古  
制雖存未必肯用多以烏紗代之則習見忌白久

矣世傳明皇幸蜀圖山谷間老叟出望駕或著白  
巾釋者曰爲諸葛武侯服此不知古人不忌白也  
鬼谷子曰照夜青螢也百花釀蜜也岷蜜櫻桃也太

平廣記又謂櫻桃爲石蜜廣志謂蔗汁爲石蜜謂  
橄欖爲南威

又云橄欖獨根東向枝曰木威南向枝曰橄欖

爾雅說文謂

筍爲竹萌爲竹胎西陽雜俎謂石榴爲丹若傅玄  
賦謂宜男花爲令草又傳記謂棗爲木蜜太平廣  
記又謂木蜜生南方合體皆甜嫩葉皆可生噉味

如蜜解悶止渴其老枝及根幹堅不可食細破煮  
之前煎以爲蜜味倍甜醲

水土有生物之異者佛林國有羊羔生于土中國人  
候其欲萌乃築墻防外獸所食其臍與地連割之  
則死惟人着甲走馬擊鼓駭之其羔驚鳴而臍絕  
便逐水草是土生動物非羴羊比也與越集曰余  
在廣時立珠子提舉司專掌蠶人入海取珠者得  
珠子樹數擔樹如柳枝珠生於蚌蚌生于樹樹生

于石蠶人鑿石得樹樹上求蚌采珠范志能虞衡  
志曰石梅一叢數枝橫斜瘦硬形色如枯梅石柏  
一幹極細上有一葉宛是側柏二種俱生海中根  
皆化爲石是水生植物不獨珊瑚樹也

蠃爲無腸公子蝦蟇亦然衝波傳曰蝦蟇無腸龍蛇  
屬也

古名馬有以鳥名者白鶴蜚鴻神鳧黃鵠紫燕銅雀  
雞斯有以蟲名者白蟻絲蛇龍子龍駒翠龍象龍

啣蟬奴有以別獸名者翠麟翔麟紫野糜蛾鹿飛  
兔白兔赤兔獅子驄有以天文名者奔霄騰霧驕  
霜晨風追風追電赤電浮雲皎雪凝露飛霞趨日  
驄旋風白月影白忽雷駁碧雲緞發雷赤有以地  
理名者絕地青海驄决波踰有以草木名者丁香  
桃花玉花驄九花虬百花輦三花駿

楊文貞士奇云聞之前輩言元至正間初改奎章閣  
爲宣文朝臣咸謂必命巉巉書榜是時周伯琦雖

在館閣精篆書而未爲上所知識日令篆書宣文  
閣榜十數紙周不識其意一日有旨命巉巉書宣文  
閣榜巉言臣所能真書非古古莫如篆朝廷宣文  
閣用篆書爲得體周伯琦篆書今世無過之者上  
如其言召伯琦書下筆稱旨由是益見進用前輩  
臨事明于大體而不自取其功與引拔人材委曲  
成就之如此皆不可及

國朝內外諸司印文俱用疊篆

御璽及各王府

之實用玉箸篆惟總兵所掛印文用柳葉篆往大同叛失總兵所佩征西前將軍印請給新印時鄭端簡曉爲職方主事白郎中請改柳葉篆文或增減字或稱別將軍恐原印在叛軍處行文奉報真僞難辯多誤事往年胡忠安公失行在禮部之印改鑄行禮部印在內衙門尚然况邊鎮兵權又反側時乎郎中不聽

陸容少美丰儀應試南京館人有女善吹簫夜奔公寢公給以疾與期後夜女退公作詩云風清月白夜窻虛有女來窺映讀書欲把琴心通一語十年前已薄相如遲明托故去之是秋領鄉薦時年二十四其介持如此故公後憲廟時爲職方郎嘗疏阻征安南又疏西域進獅子不宜受又阻太監李良乞陞 敬皇帝登極疏論八事言多切直時劉吉柄政疑容侵官將陰中之尚書余子俊爲言于吏部得出爲浙江叅政尤有聲

博物志曰龜三千歲旋于卷耳之上中華古今注曰  
千歲龜常有白氣起道家云虎千年則不蛻而角  
生漢中山有虎生角玄中記曰千歲之燕戶北向  
千歲之狐爲淫婦百歲之狐爲美女千歲之樹精  
爲青羊古今註曰鶴千歲變蒼二千歲變黑所謂  
玄鶴也搜神記序曰千歲之雉入海爲蜃百年之  
雀入江爲蛤千歲龜龜能與人語千歲之狐起爲  
美女千歲之蛇斷而復續千歲之鼠而能相卜抱  
朴子曰龜千歲具五色額上兩骨起如角解人語  
浮出蓮葉之上或在叢菁之下抱朴子曰鹿壽千  
歲滿五百歲則色白列仙傳曰鹿一千歲爲蒼鹿  
又百年化爲白鹿又五百年化爲玄鹿獸經曰能  
五百歲能化狐狸三百歲善變人形李白集云乳  
窟玉泉交流中有蝙蝠千歲體如白雪蓋飲乳水  
長生也

家雞先鼓翼者二而後鳴雉雞旣鳴而後鼓翼者三

雄雉有冠煑熟仍紅家雞則不然

世言呼盧有神卜富貴可徵昔慕容寶因燕樗蒲危坐整容誓之曰世云樗蒲有神豈虛語哉欲富貴可頻得三盧于是三擲盡盧故曰五木之祥呼盧信驗矣余又觀獨異志云中宗爲武后所廢仰天而嘆自拋一石于空中祝曰我復帝此石不落其石遂爲樹掛不落又漢元后在家有白燕銜白石大如指墜后績筐中后取之石剖爲二中有文曰

毋天地武德六年車騎將劉山濤上書言高祖龍潛時數往來洛郊之庄曾踐二石靴迹見于石中至今猶在高祖令鑿之深二寸餘其迹愈明乃止又開府云晉高祖在晉陽時牙城有僧坊曰崇福坊之廉下西北隅有泥神神之首忽一日有烟生其騰郁如曲突之狀坊僧奔赴以爲人火所延乃俯而視之無所有焉事尋達帝帝召僧之臘高者問之僧曰貧道見莊宗將得天下曾有此烟觀其

噴湧甚于當時可知矣然則石與泥豈果有神乃  
神露其機緘于此耳

石潤知雨以金生水爲水母故而感應類從志曰以  
炭與物稱使輕重等懸室中將雨則炭重天晴則  
炭輕蓋炭體本枯陰氣易入較他物亦先乾故輕  
重可驗耳然夷陵有陰陽石陰石常潤陽石常燥  
旱鞭陰石必雨久雨鞭陽石則止物類相感也則  
石亦有燥者

綱目考異曰後魏孝明神龜二年一書  
綱目大書示戒又觀歷代宗信異端莫不悉言况  
漢明求佛書啟屢端獨缺漏不書所與趙納三書  
云未及細看者蓋此類也余以爲綱目之法重首  
惡紫陽蓋不欲以首釁累明帝非缺漏也佛法入  
中國久矣魏畧西戎傳曰昔漢哀元壽元年博士  
景盧受大月氏王使伊存口傳浮屠經又劉向列  
仙傳序曰得仙者百四十六人其七十四人已

佛經則知漢哀成間已有佛經矣班固匈奴傳曰  
霍去病過焉耆千餘里得匈奴祭天金人師古注  
云卽佛像又漢武故事昆邪王殺休屠王以其衆  
降得金人之神上祠之甘泉祭不用牛羊惟燒香  
禮拜依其國俗又元壽三年穿昆明池底得黑灰  
帝問東方朔朔曰可問西域道人則知武帝時已  
有佛法矣列子曰西極之國有化人來穆王事之  
作中天之臺及秦時沙門室利房等至始皇

異囚之夜有金人破戶以出又薛正巳記仲尼

老聃師竺乾

李涪刊誤曰李商隱爲文曰仲尼師老聃猶龍不知聃師師竺乾徵之周

漢正史並無此文未可知聃師竺乾出于何典

則知周秦已有佛法豈待

漢而始有哉由是考之明帝非首開釁端明矣綱  
目非缺漏也彼傳奕韓退之皆謂佛自漢明帝時  
始入中國蓋論其顯然者耳

余祁邑不老山相傳彭祖煉丹于此石竈尚存山出  
方竹甚奇亦僅數武餘皆常竹後闕北戶錄澄州



產方竹體如削成勁健堪爲杖融州亦出大者數  
丈又引正聲集云南方有方竹杖白蟬噪其上陳  
貞節嘗咏之武陵桃源山有方竹如削可爲杖  
花之黃者多開于土旺四季之時春季則棠棣夏季  
則黃葵秋季則黃菊冬季則臘梅土之色各季見  
于一花亦不違其時也

青瑣高議云余讀新唐書韓文公傳云公患鱷魚爲  
害作文以牲投惡溪之潭翼日群鱷相隨而徙于

海才三十里而止余甚疑焉斧蓋疑其言三十里  
而止卒不能入三十里內爲患意其近也余考舊  
唐書云公令人以牲投之秋水呪之以文呪之夕  
有暴風雷起于湫中數日秋水盡涸徙于舊湫西  
六十里自是潮人無鱷魚患又讀宣室志亦曰公  
爲文告之是夕暴風雷起于湫中聲動山岳迨夜  
分霽焉明日里人視其秋水已竭公命使窮其迹  
至湫西六十里易地爲湫鱷亦隨而徙焉與舊唐

書同此劉元城謂事增文省正新書之失司馬氏

修通鑑悉據舊史而于新書無取焉良有以也

蛇蟠向壬鵲巢知歲

又曰鵲巢知風之所起

燕知戊巳鶴知夜

半睢鳩有別虎知衝破又善卜狼亦善卜又善視

巨喙善驚

善避蟻

蟻蝮善轉丸

莊子謂結蟻之智轉丸

鹿善

防

分背而食食則相呼羣居則環角外向以防人害

鴛善書印

印啄木鳥食木處遇

符以嘴畫地成符而壺自出

鷓鴣善勅

能勅水而物不壞

鳩善禁呪

能呪大石使起

取蛇食之其禁石時舉翅行前却如道上禹步則石起也

鸛善符

鸛有隱巢

木鷲鳥不能見又有長水石故于巢中養魚水不涸本水鳥覆卵時數入水冷取磐石周卵以助煖

氣故術家以鸛巢磐石為真物

雉善聽

又不

狐善疑狸善搏鸞與

鶴善舞鸚鵡善言螺贏善祝駝知風又知水

脉獺穴知水

識水高下蟬蛸曉潛水之地蛇曉方藥

運日知宴陰諧

知雨

鳩毒鳥雄名運日雌名陰諧天宴靜無雲則運日先鳴天將陰雨則陰諧先鳴

乾雀

知來猩猩知往駢雅曰白澤角端能言獸也歸終

知來獸也象知地虛實蝦蟆以端午伏水草而不

鳴鳥雀以七夕集林木而不飛瑋瑁以甲子庚申

日閉口不食蟻有兼弱之智蜂有攻寡之計又有  
君臣烏有反哺之仁鵲鷦有友悌之愛隼有憫胎  
之義羊有跪乳之識鴈有啣蘆避矰之能牛有結  
陣却虎之勇又牛初生則拜四方物類之靈若此  
韓昌黎晚年頗親脂粉故事服食用硫黃末攪粥飯  
啖雄雞不使交千日烹之名火靈犀公間進一隻  
焉始亦見功終致絕命退之子承改金根車爲金  
銀車貽笑于世昶亦答第見語林二子縮袞俱擢  
人二事人鮮知因錄之

蜈蚣入腹最難出頃見葉繼熙臨桂雜識云一人夜  
炊火有蜈蚣在吹筒中驚竄入喉漸下胷膈用生  
雞血灌之少選更飲以生油蓋許遂惡心蜈蚣并  
滾油血中吐下續服雄黃水獲安又聞吳人張冲  
虛醫多奇効有道人炊一蜈蚣伏火筒中誤吸入

腹痛不可忍張命碎生雞子數枚取其白傾盃中  
令啜之良久問其痛少定索生油與嚙之須臾大  
吐則雞子與蜈蚣纏束而下蓋二物氣類相制入  
腹則合爲一也人服其得醫意云又物類相感志  
云蜈蚣畏油

庚子癸相兩書曰戊申日候日欲入時日上有冠雲  
不論大小視四方黑者大雨青者小雨趙雪州曰  
凡遇戊午巳未天必變或遇亢壁二宿值日則可

免餘宿不可免或云云雪多作于戊巳日間  
或作于丙丁日或云曰戊辰巳巳戊戌巳亥日  
爲木頭點土須陰雨此語田家五行諸書俱不載  
因錄于此然雨雪豈可以時日支干度耶卽驗亦  
偶合

鷺卽一名鷺鳥一名鷓鴣一名天女一名鷺一名玄

鳥又鳥亦名玄鳥雁一名朱鳥亦亦名丹鳥

鳧雁在江邊沙上食沙石悉皆消唯食海蛤不消

隨其糞出入藥功力倍勝

鳩雄呼晴雌呼陰禽經曰鳩拙而安鷦巧而危

鳩一名拙

鳥不善營巢取鳥巢居之鷦一者巧者又名巧女  
頭等者為巢刻以繅麻布或一房或二房懸于蒲葦  
上按折巢敗誌公鳩偈曰人道班鳩拙  
班鳩巧一根兩根根便足家養了

法苑珠林曰太山之東有醴泉焉其形如井本體皆

石欲取飲者皆洗心跪而挹之則泉出如流若或

渴慢則泉縮焉蓋有神明以宰之也又見輟耕錄

載湖州長興州金沙泉唐時用此水造紫筍茶進

貢泉不常出有司具牲牢祭之始得水事訖即涸

宋季屢加浚治泉迄不出至元十五年中書省遣

官致祭一夕水溢可溉田千畝遂賜名瑞應泉而

縉紳脞說亦云太守造畢或旋旆少遲則示風雷

之變或見鷲獸毒蛇水魃焉搜神記曰武帝徙南

岳之祭於廬江潛霍山之上無水廟有四鑊可受

四十斛至祭時水輒自滿用之足了事畢即空水

經注曰河東霍太山有岳廟甚靈有靈泉以供祭

事鼓動則泉流聲絕則水竭湘東有候曇山上有  
靈壇壇前有石井深數尺居常無水及臨祈禱則  
甘泉湧出周用則已謂神明宰之良然

陸嗣初太史家居有客稱林逋十世孫以詩求見太  
史與之坐少選入取一編授客乃和靖傳也客讀  
和靖終身不娶無子客默然太史咲曰君自是  
孤山梅樹枝耳余讀宋史逋本傳云逋  
無子教兒子宥登進士甲科宥子大年

黎自喜

陸羽一名疾字鴻漸一字季疵疵一作鹿其先不知何許

人景陵龍蓋寺僧姓陸于隄上得初生兒育之遂  
以陸爲氏又李肇國史補云景陵僧於水濱得嬰  
兒育爲弟子及長不知姓自筮得蹇之漸繇曰鴻  
漸于陸其羽可用爲儀乃姓陸名羽字鴻漸與前  
稍異竝記之所著有茶經三卷人皆知之然其所  
著尚多有君臣契三卷源解三十卷江表四姓譜

十卷南北人物志十卷吳興曆官記三卷潮州刺  
史記三卷占夢三卷

羊馬臥而起必先前足屬陽也駝牛臥而起必先後  
足屬陰也羊馬駝牛前足屈後後足屈前惟象似  
人前足向前後足向後兩乳在胸與他獸異牛食  
多臥病則立馬食多立病則臥駝臥胸着地而後  
高象臥臀着地而前高故駝交背相向象交胸相  
向也

奉天靖難記載

成祖起兵至卽位時事頗詳第

中多非實錄如謂

成祖入宮指烟焰處謂方

孝孺曰今日使幼君自焚者皆汝輩所爲也汝死  
有餘辜孝孺稽首祈哀乞憐遂命收之此等語豈  
可傳信千古使孝孺果爾又何至有赤族之慘

伊尹生于空桑誕也老楓變爲羽人幻化也而海中  
有樹能生人者會要云大食國西隣大海常遣人  
乘船經八年未極西岼中有一方石石上有樹幹

赤葉青樹生小兒長六寸可見人皆咲動其身脚  
若著樹枝其使人摘取一枝小兒即成與通考所  
載同朱鬱儀玄覽云大食之西有嬰彌之樹見人  
善笑摘之則稿蓋指此五色線云海中有銀山生  
樹名女樹天明時皆生嬰兒日出能行至食時皆  
成少年日中成壯年日晚成老年日沒時則成明  
日復然

野食載云治葛食之立成有治葛處即有白藤花

能解治葛毒

餘冬序錄云有野葛之地必生薤葉  
又引草木疏云治葛有大毒以薤葉

汁滴其苗當時萎成山羊食治葛苗即肥而大而  
人食山羊不害蓋物有相化伏也北戶錄云薤葉  
葉如柳性冷味甜陳藏器又云味甘平  
無毒本草云治葛用羊血土漿解之

鳩鳥食水

之處即有犀牛牛犀牛不濯角其水物食之必成爲

鳩食蛇之故又云蜘蛛齧者雄黃末傅之筋斷須

續者取旋覆根絞取汁以筋相對以汁塗而封之

即相續如故蜀兒奴逃走多刻筋以此續之百不

一失



余祁謝方伯營得一石子時則中現一鼠形十二時  
變現不爽其石后焚于火余嘗聞于故老心竊疑  
之後見小說中載張侍郎九成蓄一犀帶中有月  
影過望則見皆感天地精氣而成者則石之現形  
亦此類耳

天中記狐狸部載搜神記數條而記中顧旃事不載  
一因錄于此記曰吳都顧旃至一岡忽聞人語聲云  
咄咄今年衰乃與衆尋覓岡頂有一古冢穴見一

老狐蹲其中前有書一卷老狐對書屈指有所計  
較大咋殺之取書視之悉是奸人女名已經奸者  
朱鈎頭所疏名有百數旃女在書次

火鼠水蠶世之奇珍然火浣布原非一種玄中記曰  
南方有炎山四月火生十二月火滅正二三月火  
不燃山上但出雲氣而草木生葉枝條至四月火  
燃草木落葉如中國寒時葉落也行人以正二三  
月行過此山下取木以爲薪燒之無盡時

燒不成  
炭炊熟

則灌滅後復更取其皮績之為火浣布又曰剝木皮以灰煮

用如此無窮為抱朴子曰夷人取此山木華績以為布又有火

鼠其毛長三寸亦可績以為布蓋三種焉高似孫

緯略曰以陽燧火山陰柘木焚之木皮改常試之

累驗又載杰公至市見貨火浣三端杰公遙識曰

此布二是績木皮所作一是鼠毛所作因問木鼠

之異公曰木堅鼠柔是可別也后讀岳季方正雜

言曰元史奸臣阿合馬傳別怯赤山出石絨織為

布火不能然請遣官採取余聞姑蘇有一家有火

浣布艤舟求觀得見正白作綠色試之果然豈石

絨歟十洲記以為火穴鼠鬣千斤一丈者妄也余

謂石絨別是一種而指十洲記為妄者非也

余嘗讀書史中有字同而音讀異者小說中曾記之

有未悉者余為廣之抑記于此星宿音星秀二十八宿是也

番禺音番禺恩廣州縣名襖音襖俗作襖靄瀧水音瀧雙德

慶府音慶萬俟音奇眉袒免音但問五世親音世親泪

天都載

羅

一音博羅縣名  
一音密羅江名  
一音臧歌  
一音沒突漢

汗

音亮寒漢唐  
時虜國王號  
關氏  
音烟脂  
音烟脂  
音祿里四  
龜

兹

音丘  
曹大家  
下音  
已上玉篇者月氏  
氏音

音捐

魯般  
下音  
樊於期  
於音  
怒毒  
音滂  
酈食其  
下音

異

寧馨兒  
寧去  
僕射  
下音  
姑射  
下音  
盟津  
上音

土

下音  
陶甄  
音堅又  
增繳  
下音  
枹鼓  
上音  
琅邪  
下音

名耶郡

邪谷  
上音  
綸巾  
上音  
犧樽  
上音  
率更  
上音

律

盤飧  
下音  
孫  
矛盾  
食春  
黃能  
下音  
委蛇  
下音

於戲

音嗚呼  
尸解  
下音  
般若  
音鉢惹  
衆生  
上音

落魄

下音  
隱几  
隱去  
野燒  
燒去  
毋丘  
上音  
衆生  
上音

龍兌

下音  
奪  
方與  
音房  
糊塗  
音鶻  
遠  
去聲  
遠害

朝涯

音牙  
詞押  
音此  
息箇切  
袄  
音軒胡  
扇  
音殿牌

殷

鳥關切  
赤黑色  
溺  
奴料切  
尿也  
宿留  
音秀  
相宅  
上音

音地

臣射讓地尺許  
與  
揖厭  
下音  
葉推手日讓  
亡慮  
上音

倒景

下音  
影  
耐可  
上音  
詐讓  
下音  
也  
郎羅  
下音  
擺閩

隆準

下音  
拙  
休告  
下音  
骨朶  
下音  
阿訶  
上音  
齊衰  
衰

扶服

副

曲逆

去

睚眦

豸

谷蠡

梨

墨尿

瘕

康居

渠

下音

函谷

咸

無射

射

滹池

音鳥

疆場

益

紫星

下音

益

下音

上音

角亢

剛

咎繇

音皋

金日碑

密

受釐

下音

倍

下音

倍

休屠

下音

先零

下音

選懦

下音

提撕

下音

滑稽

下音

下音

下音

骨

椎結

下音

戲下

上音

隆慮

音林

又容

音

音

音

音

筆曰郡邑之名有與本字大不同者顏師古以為  
土俗各有別稱者是也姑以漢書地理志言之馮  
翊之櫟陽為藥陽蓮勺為輦酌太原之盧虎為盧

夷上黨之沾為添蕩陰為湯陰潁川之不羹為不  
郎南陽之酈為擲堵陽為者陽鄧為讚沛之鄧為  
嗟鄆為多清河之郟為輸汝南之平輿為平預濟  
陰之宛句為宛劬江夏之沙羨為沙夷九江之橐  
皋為拓姑廬江之雩婁為吁間琅邪之不其為不  
基東東之承為證長沙之承陽為柰陽臨淮之取  
慮為秋廬會稽之諸暨為諸既太末為闔末豫章  
之餘汗為餘干梓潼之汁方為十方蜀郡之徙為

斯益州之味爲昧金城之允吾爲鉛牙允街爲鉛  
街武威之樸剗爲蒲環張掖之番禾爲盤和安定  
之烏氏爲烏支西河之鵠澤爲枳澤伐郡之狝氏  
爲權精遼西之且慮爲起廬令支爲鈴祗遼東之  
番汗爲盤寒樂浪之黏蟬爲黏提蒼梧之荔浦爲  
肄浦交趾之羸樓爲蓮簔九真之都龐爲都聾目  
南之西捲爲西權淮陽之陽夏爲陽賈魯皮之蕃  
爲皮皆不可求之于義訓字書亦不盡載也演繁

露曰虹縣今宿州屬邑今讀如繹孔光傳光爲虹  
縣長注虹沛之縣也音貢卽與今呼不同

語云一念善景星慶雲一念惡妖風厲鬼此皆實語  
雲谿友議云李常侍續分陝之日間登城樓遙見  
二僧抱秩從寺門而出有二鬼異狀隨僧後諦聽  
行過百步忽見一女子自東而來二僧極目而送  
鬼乃俱怒拋沙石作旋風左右或有見者遂召僧  
至問其所以具云初出寺門共論經義尋有他言

不敢隱諱伏藏公曰鬼神重矣戒善惡必知二僮  
既還益加惕厲

猗覺寮曰生祠始于定國之父郡中生立于公祠余  
讀演繁露曰生而立廟誰當享之而于公聽之不  
辭者習見時事以爲當然也秦始皇自立極廟漢  
諸帝皆生自立廟故賈誼對文帝而曰顧成之廟  
號爲太宗則生祠始例此也非始於于

修文御覽載李陵詩曰紅塵蔽天地白日何冥冥微  
陰盛殺氣淒風從此興拓搖西北指天漢東南傾  
嗟爾窮廬子獨行如履冰短褐中無緒帶斷續以  
繩瀉水注甕中焉辨淄與澠巢父不洗耳後世有  
何稱說者謂其答蘇武書爲六朝人代作余謂此  
詩亦然

虎嘯則風生而萬籟作虎伏則風止而萬籟息故止  
樂用敵爲虎形易曰風從虎是也而七修類稿乃  
曰敵形爲虎而伏虎爲金獸應秋也虎亦主聲今

伏而無聲若陽氣之收斂衰謝矣其背之齟齬氣不暢也所以止樂也此說殊覺無味

余少聞洛陽橋以爲閩地何以是名後讀程泰之小說有曰泉州北二十里有溪溪通海每潮來人輒病涉蔡端明君謨守泉時伐石跨溪而橋知潮力豪大徒柱不能勝遂出新意累石以爲壯趾其制中間闊兩頭銳銳故不與潮鬪闊故能勝鋪架也橋成蔡公自書橋旁石曰萬安渡橋而又別爲一

記以載首末今猶巋然矣然蔡公自命爲萬安而土人以及它方皆以洛陽冠名爲是橋實在閩而名以洛陽見者多不解或曰洛客有經此橋者樂其山水寬敞有似洛陽故以名此恐不然也閩固多山然至興化以及泉南則平夷之地甚多此地雖闊不能廣于它處何以獨擅洛陽之名耶予案元和郡縣志洛陽天津橋本維舟爲梁後以洛漲壞船正觀十四年始令石工累石爲脚則是不止

用獨石爲柱而累衆石以爲之趾趾闊而力厚卽  
萬安橋之所取則也矣然則橋名洛陽其必以此  
之象趾也哉

四友叢說云吾松張莊簡張莊懿皆鄉先達賢者  
也然莊簡致事家居端重嚴毅與親識少恩雖宗  
族亦不肯假借毫髮莊懿官至兵部尚書以太子  
少保致仕居家坦蕩和易不設城府親友皆蒙其  
惠莊簡今子孫卑弱亦無顯者獨莊懿子姓繁衍

一女一女孫皆至一品夫人一曾孫登進士曾玄  
孫已四十餘在國學庠序者几十人郡中稱爲名  
族則知莊簡雖持身嚴正但保全一已終鮮及物  
之仁莊懿在刑部時其所奏行新例數十條至今  
用之則知仁恕所及其所活者衆矣是以于定國  
之家高門待封嚴延年之母掃地以望其喪之至  
史冊所載報應之速蓋未有顯明如此者夫上帝  
以好生爲德而法家苟一輕重其手人之死生立



判豈非天之最重者耶則莊懿之報實天有意于厚之也

司馬溫公平生學問惟是不欺二字其自言不善四六非倦于屬對蓋四六不免諛詞失實故溫公不肯爲之耳屬對雖小伎然亦不易如三才天地人四詩風雅頌四時春夏秋冬三德剛柔正直迅雷風烈烈風雷雨絕地天通通天地人夫子天尊大士頭上不同官宦者官人身中各別皆以爲巧

對又如劉蕢下第我輩何慙雍齒且族吾屬無患勸君更盡一杯酒與汝同消萬古愁娶妻不用取良媒書中有女顏如玉有名何在鐫頑石路上行人口是碑皆確對

列子曰蛙變爲鵝熊太古曰廣東八月見魚化鵝淮南子曰鼈化爲鵝鵝化爲鸚鵡化爲布穀布穀復爲鷓鴣禽經曰仲春鷹化爲鳩季春田鼠化爲鴛鴦仲秋鳩復化鷹季秋雀入大水爲蛤孟冬雉入水化

爲蜃搜神記序曰腐草爲螢朽葦爲蠶音稻爲蜃  
變爲蛺蝶自無知化爲有知音氣易也鶴爲麀蛇  
爲鱉音蠶爲蝦不失其血氣而形性變也倦遊雜記  
曰黃魚化爲鸚鵡泡魚大者如斗身有刺化爲豪  
豬沙魚之班者化爲虎化書曰老楓化爲羽人朽  
物化爲蝴蝶自無情而之有情也貞女化爲石山  
蚯化爲百合自有情而之無情也吳地志曰石首  
魚至秋化爲冠鳧古今注曰猿五百歲化爲獾志

又稱羅州魚化爲鹿王元美記蚕蠶化爲蛾螭  
化爲復育復育轉而爲蟬異苑云河南司馬元胤  
元嘉中爲新淦令喪官月旦祭柑化爲鵝是亦無  
情化爲有情也搜神記曰漢末零陵太守史滿有  
女悅門下書佐使婢取盥手殘水飲之遂有娠既  
而生子至能行太守抱兒使求其父兒匍匐直入  
書佐懷中書佐推之兒仆地爲水具省前事太守  
以女妻吏水孕化人人復化爲水亦異矣又泊宅

編云僧了因嘗寓長蘆寺閒步江上見潮泛小蝦  
登岸有化而爲蜻蜓翩然飛去者一蝦再至岸未  
及化又爲潮所蕩及三登忽化蜈蚣入水蓋忿心  
所激也此可見造化本無心衆生自造化憑一念  
轉移耳

醫家謂脉歇至者死然有不可槩論者內閣徐文定  
公溥爲詹事時服闋至蘇城聞王時勉名醫也令  
診之時勉旣診以公脉有歇至不敢言公曰吾脈

素有異時勉曰如是則無妨然終不樂次謁范文  
正公廟少憇坐睡夢一人衣冠來謁曰勿憂也公  
之壽年還有兩千覺而思之以爲二十年其後二  
十二年卒時年七十三蓋千之爲字兩十兩一合  
爲二十二云

草木子云夔一足也蜘蛛六足也螭蛆四足也虻  
百足博物志云百足一名馬蛇中斷成兩段各行  
而去帶無足也山海經謂獸名從從亦六足獸有

天都雜記 卷三  
三  
辣辣一角一目目在耳後博物志云崇丘山有鳥  
一足一翼一目相得而飛名曰蜃見則吉良乘之  
壽千歲又云華山有蛇名肥遺六足四翼見則天  
下大旱按北山經渾夕之山有蛇一首兩身名曰  
肥遺近讀朱宗室駢雅云肥遺如蛇六足又云肥  
遺兩身又管子云螭者一頭而兩身其形若蛇其  
長八尺以其名呼之可以取魚鱉此涸川水之精  
也想亦是肥遺總一種物耳

李筌

所注有陰符經

爲鄧州刺史夜三更東南隅忽見異氣

明旦命吏凡郊市知產男女者悉取至焉筌遍視  
之曰皆凡骨耳重令訪得一牧羊胡嬾一子乃安  
祿山也筌慘容曰此假天子也座客勸殺之筌曰  
不可殺之恐生真者矣筌亦異人楊用修謂陰符  
經亦筌所作而王元美乃謂是經爲秦漢人假作  
筌爲釋仍托于驪山老姥以神其說皆未爲定論  
也

世傳神池現珠傘珍奇之物爲廟神靈異說者謂伏  
機所爲非也余見小說載廉頗墓在趙州能出物  
借人凡宴客無器用以雞黍祭之焚其券夜往取  
之自金銀磁錫卓椅之類隨券所書皆可得宴畢  
復設奠焚券陳所借于墓所使人遙守之入夜皆  
隱去神恠叵測吳中程公遵曾守趙州親言其事  
又河間任丘縣有扁鵲墓其祠名藥王祠前有地  
數畝病禱神以琰卜之許則云從某方取藥如言

掘土果得藥服之無不愈者其色味不一惟奉祠  
人能辯之四方日掘千窟越宿俱平壤矣觀二事  
則神池現物自是神異非人力所爲

烏孫國有青田核如五六升瓠空之成水俄而成酒  
宋有劉章者得二枚集賓設之一核才盡一核又  
熟可供二十客又謝端遇天漢素女遺以螺殼貯  
米常不乏此二種皆世奇物也

泊宅編載歐陽公知應天府封五郎廟事而歐公年

譜亦云皇祐二年七月丙戌改知應天府兼南京  
留守司蓋今歸德府在宋爲應天府亦稱南京  
人有實心爲政多獲神助余聞尚書吳交石公初爲  
節推部民有女初嫁夕被殺于帳中迨塔入方覺  
竟不知爲誰所害告之官連及四十餘人公鞠莫  
得沉思屢日禱之所奉觀音大士前夜夢見有虎  
啣三刀跳一舟上公覺謂虎加三刀成彪字舟者  
周也殺人者其周彪乎一詢立服餘俱得釋又程

失其名同知温州上官檄檢校塩場稱度數日茫無  
緒次有老翁曰欲獻愚計請屏左右從之乃曰井  
字法言訖忽不見沉思逾夕始悟因畫地作井字  
令堆塩高廣相等止稱其一而餘八者悉定不三  
日塩無遺數上下聞之皆驚異

雁宕龍湫游者有金鼓聲則瀑布隨聲而飛洒說者  
謂聲氣相吸故然而陝西太白山軍行山下不得  
鳴鼓角鳴則疾風暴雨立至南寧武緣縣有鐘石

在江水中扣之則風雨作瓊州昌化縣有落膊石  
其側有橘柚食之則可携去則黑霧暴風駭人池  
中有魚亦然此又何也

國家年號字畫有關識兆如太平興國爲一人六十  
之類係帝王享祚猶其大者而寇盜之起亦往往  
有兆于年號唐僖宗改廣明元年招字者曰有一  
人自厓下出姓黃氏左足踏日右足踏月自此天  
下被擾是年黃巢入長安亂天下隨筆曰廣明爲

唐去丑口而著黃家日月以兆巢賊之禍又陝西  
金州有黃巢谷巢亂有太白山人謁金州刺史云  
請掘此谷則賊自敗掘之得一石桶上有一劍中  
有黃腰獸獸見劍自撲而死後巢旋敗巢亦曾舉  
進士又華岳金天王廟玄宗御製碑廣明中其石  
忽自鳴隱隱然聲聞數里浹旬後定明年巢寇犯  
關其廟亦爲賊火所焚墮其門觀

識兆雖形字畫然人心動處卽是先幾如梁太祖初

名温後昭宗勅改名全忠識者曰全字人王也又在中心不可近臣亦奏上方悔後果篡大位

磬石所出固多然要以泗濱浮磬爲最蓋取其土少水多易和且潤也唐天寶間廢泗濱磬以華原石代之白樂天作詩刺樂工非其人宋番陽令吳昇知靈璧縣會朝廷定樂下縣造磬磬成每泝汴進入縣境別有一河號清河趣都城稍徑或由此河載磬入則磬聲多不協律又中都志曰靈璧磬石

朝廷用之則取民間私取者則無復磬聲此理俱不可曉

小說載夜郎侯事云有女子浣沙聞竹中有聲剖之得一男後封夜郎侯以竹爲姓漢武帝賜以玉印又徐君宮人生一大卵棄于野有大名鵠蒼啣温之卵開有一兒有筋無骨後爲徐偃王褒離國王侍婢有娠王欲殺之婢曰氣從天來故我有娠及產子捐猪圈中猪以氣噓之棄馬櫪中馬復噓之



得不死後爲扶餘王諸若此類儒者多以爲誕故  
夢餘錄曰小說載橘中四老人對奕曰恨不深根  
固蒂其中又稱鄺延大竹凌雲剖之中有二翁云  
平生深根勁節惜爲主人所伐二事皆好奇者率  
意撰造抑不知天壤間何所不有也而槩指爲撰

造

晉五行記曰惠帝納后羊氏將入宮衣中忽有火衆  
咸恠之其後后竟坐廢本朝曾中丞詵被逮日衣  
上火出竟陷大辟後讀物象通占曰衣服忽有火  
光大凶信驗矣然王司馬崇古腰玉日衣上火出  
撲之不滅萬曆戊戌進士穆天顏未登第前火星  
常出其袖幾欲焚衣又爲吉徵亦不可槩論

高麗圖經曰潮汐往來爲天地至信然潮亦有不同  
者瓊管志曰江浙欽廉之潮皆有定候瓊海之潮  
半月西流半月東流潮之大小隨長短星不係月  
之盛衰又臨海望前晝潮望後夜潮東海望前夜

潮望後晝潮南海上弦前晝潮上弦後夜潮而水  
經乃曰鱗魚長數千里穴居海底入穴則潮上出  
穴則潮退此又不知何說也

演繁露曰古書皆無至唐始爲彙子今書冊也

程泰之曰古者婦人粧飾欲紅則塗朱欲白則傅粉  
故曰施朱太赤施粉太白此時未有胭脂故但施  
朱爲紅也胭脂出自虜地習鑿齒與燕王書云山  
下有紅藍北方人採取其花染緋黃接取其上英

鮮者作烟支婦女用爲顏色此蓋指燕支山言也  
自霍去病破燕支山匈奴歌曰失我燕支山使我  
婦女無顏色以此山產紅藍可爲胭脂而闕氏資  
以爲飾故失之則無顏色耳據程此說則胭脂自  
漢始有矣而雜錄又曰起自紂以藍花汁凝作脂  
以爲桃花粧燕國所出故名燕脂此不知何所據  
也

丹鉛總錄曰陸龜蒙詩賴得伍員騷思少夫差剛免

似荆懷宋人小說謂以陸之博學而誤呼伍員名  
豈趣韻耶慎按員音運本無前訓惟唐員半千本  
劉凝之十世孫因齊受禪奔元魏自比伍員故改  
姓員唐世謚云令公四俊苗李崔員以後證先知  
員之音運也古賢相傳自有此一種音韻今不悉  
見余後讀廣韻員音運乃知原有此音韻用修偶  
未之考耳

丹鉛續錄曰史記東方朔傳止輒乙其處乙音黠有  
所絕黠而記之曰乙如今讀書以朱志其止處也  
又文字有遺落勾其旁而添之亦曰乙唐試士式  
塗几字乙幾字是也今試式亦然而字作註也註  
乃黠之訛耳是用修以乙卽註也後讀宋孫季昭  
示兒編曰今進士書試卷末云塗試乙共計若干  
字唐時已有此語韓退之讀鶡冠子有曰文字脫  
繆爲之正五十有五字乙者三減者二十有二注  
者十有二字云劉鮑文塚銘序云實得二千一百

八十紙有塗乙者有注指者有覆背者有珠墨圈者觀此則乙與註自別也又容全二筆云咸通中舉子寫畢無誤題其後曰竝無指改塗乙註

款乃舟中歌聲或云掉船相應聲讀作靄襖俗讀作襖靄者非楊用修引朱子辯證及項平庵說正之然不若示兒編引洪駒父詩話及廣韻正之爲詳明也

古無紀元以一字紀元者始漢文帝之後元年又景帝之前三年中元年後元年二字紀元始漢武帝之建元三字紀元始梁武帝之中大通又中大同四字紀元始漢哀帝之太初元將又漢光武建武中元魏大武帝太平真君唐武后天冊萬歲又萬歲登封又萬歲通天宋太宗太平興國真宗太中祥符徽宗建中靖國復周制不改元但稱元年者惟西魏廢帝至周明帝復改元矣

天都載叙

班孟堅于劉中壘七畧諸子十家  
黜小說而存其九九流名自此始  
然而小說家實具有九流故不易  
作余于馬仲履天都載有取焉學



古通今不宜偏廢陸澄博極載籍  
為左丞坐不糾劾免官澄自申理  
褚亨回檢類例甚衆夫亦通人之  
蔽也仲履善談名理詳覈往事而  
於朝章時務宗原應變復井又各

條千古之上六合之外紀述容有  
訛誤意見容有異同采聽容有闕  
漏自人情耳偶窺一斑得片語輒  
形人短膏肓廢疾非非反反瑕瑜  
妍醜一彼一此離蹤跂訾奚為者

我仲履據遺訂譌按據昭然終不  
詆訶前人自以為足也才士游戲  
筆端淳詭不根如郭憲王嘉梁四  
公諸記無毫髮益人至於周秦行  
紀牛羊日曆碧雲駿白猿傳之屬

逞私憾枉公是不顧人非鬼責又  
仲履所深戒故其美者可以勸善  
其辨者可以解惑其博者可以游  
藝其精者可以貞教而隱惡闕疑  
不輕持論敦厚溫柔之意盎然楮

素間致足術也世衰道微鬼蜮其  
心侏儻其舌朝堂之上若詈若訟  
而隱居放言處士橫議家操袞鉞  
人持月旦異時史臣何所取裁其  
流禍且不知所底得仲履一洗之

幸甚王民法納言焦弱侯顧太初  
兩太史皆鴻生大儒有蘭臺之鑒  
裁者獨於是載愛而傳之夫亦有  
所感也夫


萬曆辛亥孟夏之朔



大泌山人李維楨本寧甫撰



建武友弟王嘉丞性疑甫書



H818.8  
7142

